

Informacije o kvalifikacionom testiranju

Kvalifikacionim testiranjem provjerava se stručnost kandidata koji se prijavljuju na pozicije nosilaca pravosudnih funkcija u pravosuđu Bosne i Hercegovine, odnosno znanje kandidata iz sljedećih oblasti: krivično pravo, krivično procesno pravo, građansko pravo, građansko procesno pravo, privredno pravo, etički principi za obavljanje sudijske ili tužilačke dužnosti i Evropska konvencija za zaštitu ljudskih prava i temeljnih sloboda. Kvalifikacioni test polaže se u prostorijama VSTV BiH u elektronskoj formi na radnim stanicama VSTV BiH.

Osnovne karakteristike kvalifikacionog testiranja	
Vrijeme trajanja testa	100 minuta
Broj ispitnih zadataka na testu	100
Tipovi ispitnih zadataka	Zatvorenog tipa
Sistem bodovanja	Tačno odgovoren zadatak 1 bod Netačno odgovoren zadatak 0 bodova Neodgovoren zadatak 0 bodova Nema negativnih bodova
Prag prolaznosti	70% (70 bodova)
Najveći mogući broj bodova	100 bodova

Mišljenje kandidata o kvalifikacionom testiranju

VSTV BiH je proveo probno testiranje po jednom konkursu u novembru 2013. godine. Kvalifikacionom testiranju pristupilo je 293 kandidata (124 kandidata za sudije i 169 kandidata za tužioce). Ukupna prolaznost na testiranju je bila 42,3%, tj. 124 od 293 kandidata ostvarila su uspjeh na testu koji je bio veći ili jednak 70 bodova. Prosječni rezultat svih kandidata, tj. aritmetička srednja vrijednost po ovom testiranju iznosila je 66,6. Prosječno vrijeme rješavanja testa svih 293 kandidata iznosilo je 74,4 minute, odnosno kandidatima je bilo u prosjeku potrebno 44,64 sekunde po jednom ispitnom zadatku. Na skali školskih ocjena od 1 (loše) do 5 (izvršno) probno testiranje kandidati su ocijenili sljedećim ocjenama:

Mišljenje kandidata o provedenom probnom testiranju	
Organizacija provođenja testiranja	4,36
Jednostavnost procedura testiranja	4,21
Jednostavnost korištenja aplikacije za testiranje	4,31
Korisnički interfejs aplikacije	4,45
Brzina odziva aplikacije	4,42
Jednostavnost prijave na test	4,42
Ljubaznost osoblja VSTV BiH tokom testiranja	4,8
Korisnost uputa	4,26
Prosječna ocjena probnog testiranja	4,4



„Uvođenje kvalifikacionog testiranja je najbolja stvar za sve nas iz pravničke zajednice koji do sada nismo imali prilike svoje znanje i stručnost predstaviti tako pregledno i sveobuhvatno, na jednom mjestu, u 100 minuta, koristeći se pritom najsavremenijim softverskim dostignućima. Ovo će testiranje, bez sumnje, u mnogome olakšati zadatak članova VSTV BiH da prepoznaju i odaberu uistinu najkvalitetnije kandidate. Smatram da testiranje može pružiti jasnu sliku o najmanje dvije bitne odlike svakog kandidata: poznavanje različitih pravnih oblasti i sposobnost logičkog zaključivanja. Sve pohvale VSTV BiH za uloženi doprinos pravosuđu u BiH kroz uvođenje najsavremenijeg i sadržajno izvanrednog načina provjere znanja, stručnosti i sposobnosti kandidata za pozicije nosilaca pravosudnih funkcija!”

Edin Šaćirović, kandidat

VISOKO SUDSKO I TUŽILAČKO VIJEĆE BOSNE I HERCEGOVINE

Kraljice Jelene 88, 71000 Sarajevo
Telefon: 033 707 500, Faks: 033 707 550
E-mail: vstvbih@pravosudje.ba
Web: www.hjpc.ba

DONATORI PROJEKTA



Visoko sudsko i tužilačko vijeće Bosne i Hercegovine
Visoko sudbeno i tužilačko vijeće Bosne i Hercegovine
Високи судски и тужилачки савет Босне и Херцеговине
High Judicial and Prosecutorial Council of Bosnia and Herzegovina



KVALIFIKACIONO TESTIRANJE





OBJEKTIVNOST

„Jedan od glavnih ciljeva je unaprijediti sistem imenovanja sudija i tužilaca inkorporirajući međunarodne principe koji se odnose na imenovanje sudija i tužilaca. Uvođenjem kvalifikacionog i pismenog testiranja za kandidate koji ne obavljaju sudijsku ili tužilačku funkciju osiguravamo najviše standarde ovih principa koji zahtijevaju da procedure imenovanja sudija i tužilaca budu jasne, objektivne i transparentne. Međunarodne principe primjenjujemo i za sistem unapređenja, tako da se napredovanje u karijeri sudija i tužilaca zasniva na vrednovanju rezultata rada. Na ovaj način Bosna i Hercegovina pridružuje se zemljama koje svojim procedurama osiguravaju najviši stepen objektivnosti i transparentnosti prilikom izbora sudija i tužilaca.“

Obren Bužanin, sudija Vrhovnog suda Republike Srpske i predsjedavajući Stalne komisije za provedbu postupka kvalifikacionog testiranja



EFIKASNOST

„Osim objektivnosti i transparentnosti, naš cilj je unaprijediti i efikasnost postupka imenovanja. Uvođenjem kvalifikacionog testiranja, prema postojećim tehničkim kapacitetima i procedurama, VSTV BiH može testirati 360 kandidata za pet radnih dana. Pod pretpostavkom da razgovor s kandidatom u prosjeku traje 30 minuta, jednoj komisiji za obavljanje razgovora bilo bi potrebno oko 26 radnih dana da obavi razgovore s 360 kandidata. Vodimo se metodološkim standardima prilikom kreiranja procedura, a glavni cilj je da svi kandidati imaju iste uslove prilikom polaganja testa. Naš konačni cilj je potpuna automatizacija postupka imenovanja sudija i tužilaca što će znatno olakšati i poboljšati kvalitet postupka za sve učesnike.“

Sadeta Krilašević, šef Odjela za imenovanje VSTV BiH



TRANSPARENTNOST

„Visok standard objektivnosti i transparentnosti procedura imenovanja sudija i tužilaca ostvarujemo primjenom informaciono-komunikacionih tehnologija. Testovi se polažu u elektronskoj formi na radnim stanicama VSTV BiH u strogo kontroliranoj proceduri. Baza sadrži preko 2.500 ispitnih zadataka i softver automatski kreira testove na osnovu prethodno utvrđenog dizajna. Na ovaj način, ljudski faktor pri kreiranju testova potpuno je isključen, što omogućava najviši stepen objektivnosti. Kandidatima se, nakon završetka testa, na zaslonu ispisuju rezultati i informacija da li su položili test, što osigurava najviši stepen transparentnosti u ovome procesu.“

Esmin Berhamović, šef Odjela za IKT VSTV BiH